

A2^r

Vorrede.

WEr dieſe Schrift
mit Frucht Leben wil/
der Fehe vnd Suche
Vleißig in der heiligē
Schrift/ dieſe Orter/
welche auff dē Ran-
de gezeichnet find/
Da wird er ſehē das
der mehrer teil aus
der heiligen Schrift

gezogen iſt/ alſo wird er der ſachen gewis wer-
den. Denn man auch nur allein der heiligen
Schrift/ welche iſt Gottes Wort/ glauben ſol/
vnd was aus der heiligen Schrift gezogen wird.
Denn Menſchen können liegen/ aber Gott kan
nicht liegen. Das aber dieſe Schrift aus Gottes
Wort gezogen ſey/ beweifen die angezeigten ör-
ter/ vnd die Lere/ ſo in Gottes Wort ſtehen. Vnd
ſind das die fürnehmſten ſtücke/ darauff der Le-
ſer ſehen ſol. Erſtlich/ das hie jederman erinnert
wird ſeiner Sünden. Denn ob gleich nicht alle
Sünden hie angezogen werden/ ſo werden doch
etliche angezogen/ vnd wird damit vrfach gege-
ben/ das der Menſch dieſelbigen Sünde erken-
nen ſol/ vnd andere mehr/ welcher jn die heilige
Schrift erinnert/ vnd er leider teglich begehet/
die weil er in Sünden empfangen vnd geboren
iſt. Zum andern/ das niemand in Sünden fortfa-
re/ oder ſicher ſey/ oder bleibe/ So wird aus Got-
tes warem Wort/ jederman für die Augen ge-

A ij malet

A2^v

Vorrede.

malet das jüngste Gericht/ welches gewis in ei-
 ner kurtz gehalten wird/ vnd das Verdamnis/
 welches vber alle/ die in Sündenone Glauben
 bleiben/ gehen wird. Zum dritten/ wird auch an-
 gezeigt/ vnd mit Sprüchen der heiligen Schrift
 bewiesen/ das die Gleubigen (welche/ ob sie
 gleich Sünder gewesen/ doch sind bekert wor-
 den) herrlich werden gezieret/ in ewige freude
 vnd herrlichkeit/ aus gnaden ohne verdienft/ geno-
 men werden/ auff das niemand in Sünden sicher
 fortfare/ oder verzweiffele/ sondern jederman sich
 zur Buße bekere vnd lebe. Zum vierden/ wird
 auch jederman vermanet/ gelocket vnd gereitzet/
 das er nicht als ein WeltMensch mit der Welt in
 vergenglichen/ jrdischen vnd fleischlichen dingen
 sich verderben/ Sondern als ein Christe mit Got-
 tes Wort/ vnd Glauben/ im Gebet vnd Gottfe-
 ligem leben/ sich vben sol/ teglich on vnterlas.
 Vnd sol auch nicht anders verstanden werden/
 wird auch nicht anders gemeint/ ist auch der in-
 halt in der heiligen Schrift nicht anders/ denn
 das der Mensch lerne erkennen seine Sünde/ vnd
 den groffen jamer/ not vnd gefehrligkeit/ welche
 komen vber die vnbusfertigen Sünder/ am jüng-
 sten Tage vnd in Ewigkeit. Vnd widerumb auch/
 die vnausprechliche Herrlichkeit vnd Freude der
 Christen/ das ist derer/ die Sünder sind/ in Sün-
 den empfangen/ geboren/ vnd solches auch be-
 wiesen haben/ mit Worten/ wercken/ hertz/ mut/
 sinn/ willen vnd gedancken (denn sie gantz vnrein
 sind/ von der Fusolen an/ bis auff die Scheittel)
 haben

A3^r

Vorrede.

haben aber aus Gottes Wort gelernet/ dem sie
 auch glauben/ das sie durch das Blut des Sons
 Gottes/ Jesu Christi/ des Heilandes der Welt/
 welcher ist Gott vnd Mensch/ erlöset sind/ bleiben
 in einfalt des Göttlichen Worts/ welches Inhalt
 fürnēlich verfalltet ist/ in den Artickeln des Glau-
 bens/ Nemlich/ das vns Gott der Vater selbs ge-
 schaffen hat/ darumb ist vnd bleibt er vnser Vater/
 Jesus Christus vns erlöset hat/ von allen Sün-
 den/ das wir nicht ins Gericht kōmen/ vnd Gott
 der heilige Geift vns selbs heiliget/ darzu er
 brauchet/ Gottes wares/ krefftiges/ allmechti-
 ges/ vnd feligmachendes Wort/ die hoch wirti-
 gen Sacrament/ der heiligen Tauffe/ vnd des
 warē Leibs vnd Bluts vnfers HErrn vnd Hei-
 lands Jesu Christi/ sampt der heiligen Abfoluti-
 on. Darumb niemand in Sünden verharren sol/
 sondern jederman in der zeit die Gott gibt/ son-
 derlich jetz in der letzten zeit/ sich durch Gottes
 gnade lassen bekeren/ mit feinem heiligen Geift/
 Wort/ Sacrament vnd Abfolution/ in bestēdi-
 gem Glauben durch vnfern HErrn vnd Heiland
 Jhesum Christ/ so wird er als deñ nicht sicher sein/
 wird auch nicht verzweifeln können/ denn Got-
 tes Gnade ist größer/ denn aller Menschen Sün-
 de/ ja das Blut Jesu Christi/ reichlich vergoffen/
 hat aller Menschen Sünde getilget/ so haben wir
 auch Jhesum Christum in der heiligen Tauff alle-
 sampt/ jung vnd alt/ Reich vnd Arm/ wer wir
 auch sind/ angezogen/ die wir sind getaufft wor-

A iij den.

A3^v

Vorrede.

den. Vnd die wir auff wachfen/ werden teglich durch GoTtes wares Wort/ welchs nicht geendert wird/ fondern ewig bleibet/ geftercket/ gegründet vnd befettiget im Glauben/ vnd haben die zufagung/ das wir nicht komen ins Gericht/ fondern find durch den Tod zum Leben hindurch gedrungen. Dazu vns gegeben wird der heilige Geift/ vnd der Leib vnd Blut Jefu Chrifti/ fampt der heiligen Abfolution/ wie angezeigt. Ja Jefus Chriftus fampt feinē Vater vnd heiligem Geift/ ift vnd bleibet bey vns/ vollendet die Sach. Deū was er felbs angefangen hat/ das wil er auch felbs warhaftig volbringen/ zu Ehren feiner Maieftat/ das heilig werde fein Name. Darumb wir nicht fehen follten auff vnfer vnreinigkeit/ die weil vns Jefus Chriftus felbs gereiniget hat/ auch nicht auff vnfer Schwachheit/ die weil Gott mit vns ift/ Sondern auff vnfern lieben/ fromen/ getrewen/ warhaftigen Gott/ welcher ift alles in allem. Der vns auch feine Gnade vnd krafft gibt/ die frucht des Glaubens zubeweifen/ gegen vnferm Nechften/ vnd laffen vnfer Liecht leuchten/ auff das allein Gott der HERRE gepreiset werde. Welchem fey Ehre vnd Gewalt in Ewigkeit/ AMEN.

Es ift fur die Einfeltigen geftellet/ Wer klug ift/ der mag fur fich klug fein/ vnd dis den Einfeltigen laffen/ denn Weltliche Weisheit hie nichts gilt.

Georgius Silberfchlag.